

PEMBERITAHUAN PERTANYAAN

DEWAN RAKYAT, MALAYSIA

**DARIPADA : Y.B. DATO' DR NIK MAZIAN BIN NIK MOHAMAD
(PASIR PUTEH)**

PERTANYAAN : BERTULIS

Y.B. DATO' DR NIK MAZIAN BIN NIK MOHAMAD [PASIR PUTEH] minta **MENTERI KEWANGAN** menyatakan berapakah jumlah Rumah Mesra Rakyat sudah dibina di negeri Kelantan sejak ia dilaksanakan sehingga sekarang. Berapa banyak sudah disiapkan di kawasan Pasir Puteh dan berapa masih dalam perancangan.

JAWAPAN

Tuan Yang Dipertua,

Syarikat Perumahan Negara Bhd (**SPNB**) telah ditubuhkan pada 21 Ogos 1997 sebagai syarikat milik penuh Menteri Kewangan Diperbadankan (MKD) yang bertujuan menyediakan rumah mampu

milik dan rumah kos rendah yang berkualiti kepada setiap keluarga di Malaysia sejajar dengan Objektif Perumahan Negara. SPNB mempunyai tiga produk perumahan yang utama, iaitu Rumah Mesra Rakyat 1Malaysia (RMR1M), Rumah Idaman Rakyat (RIR) dan Rumah Aspirasi Rakyat (RAR).

Fokus SPNB secara amnya adalah untuk memenuhi permintaan keperluan perumahan daripada golongan berpendapatan rendah dan sederhana (RM750 hingga RM10,000 sebulan) melalui Program RMR1M, RIR dan RAR.

Tuan Yang Dipertua,

Berdasarkan statistik permohonan RMR1M dari tahun 2002 sehingga 30 April 2016, sebanyak 82,305 permohonan telah diterima dan dinilai di seluruh negara di mana sebanyak 38,117 unit telah diluluskan. Daripada jumlah tersebut, 35,282 unit telah siap dibina, 2,395 unit di peringkat pembinaan dan 440 unit di peringkat memuktamadkan dokumen perjanjian. Sebanyak 25,137 permohonan telah ditolak kerana tidak mematuhi syarat-syarat kelayakan manakala sebanyak 19,051 permohonan masih di dalam senarai menunggu/ penilaian kelayakan.

Bagi Negeri Kelantan, sebanyak 10,086 permohonan telah diterima sejak program RMR1M ini diperkenalkan pada tahun 2002. Daripada jumlah tersebut, sebanyak 5,294 permohonan telah diluluskan, di mana 5,076 unit telah siap dibina, 185 unit di peringkat pembinaan dan 33 unit di peringkat memuktamadkan dokumen perjanjian. Sebanyak 2,667 permohonan telah ditolak kerana tidak mematuhi syarat-syarat kelayakan manakala sebanyak 2,125 permohonan masih di dalam senarai menunggu.

Bagi Parlimen Pasir Puteh, jumlah keseluruhan permohonan RMR1M yang diterima adalah sebanyak 1,117 permohonan. Daripada jumlah tersebut, sebanyak 562 permohonan telah diluluskan di mana 534 unit telah siap dibina, 23 unit di peringkat pembinaan dan 5 unit di peringkat memuktamadkan dokumen perjanjian. Sebanyak 287 permohonan telah ditolak kerana tidak mematuhi syarat-syarat kelayakan manakala sebanyak 268 permohonan masih di dalam senarai menunggu.

Tuan Yang Dipertua,

Untuk makluman Yang Berhormat, program RMR1M ini mendapat

sambutan luar biasa daripada rakyat di seluruh negara sehingga menyebabkan jumlah permohonan melebihi peruntukan tahunan yang telah disediakan oleh Kerajaan Persekutuan. Perkara ini secara tidak langsung telah menyebabkan terdapatnya permohonan yang memenuhi syarat-syarat kelayakan tidak dapat dilaksanakan pada tahun tersebut. Pada masa ini, terdapat 19,051 permohonan masih di dalam senarai menunggu di seluruh negara. Oleh hal yang demikian, lebih permohonan setelah mengambil kira peruntukan tahunan yang disalurkan akan dibawa ke tahun hadapan.

**PEMBERITAHUAN PERTANYAAN
DEWAN RAKYAT, MALAYSIA**

PERTANYAAN : BERTULIS

**DARIPADA : Y.B. DATO' DR. NIK MAZIAN BIN NIK MOHAMAD
[PASIR PUTEH]**

SOALAN :-

Y.B. DATO' DR. NIK MAZIAN BIN NIK MOHAMAD [PASIR PUTEH] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bilangan rumah PPR (Projek Perumahan Rakyat) yang sudah dibina di negeri Kelantan dari tahun 1990 hingga sekarang.

JAWAPAN :-

Tuan Yang di-Pertua,

Untuk makluman Ahli Yang Berhormat, sehingga kini Kerajaan telah menyiapkan 1 projek Program Perumahan Rakyat (PPR) dan sedang membina sebanyak 3 lagi PPR di negeri Kelantan yang berjumlah 2,300 unit rumah. Perincian ketiga-tiga projek tersebut adalah seperti berikut :

BIL	NAMA PROJEK	UNIT	PARLIMEN
PROJEK SIAP			
1	PPR Gua Musang	1,000	Gua Musang
DALAM PEMBINAAN			
2	PPR Ayer Lanas, Jeli	150	Jeli
3	PPR Batang Merbau, Tanah Merah	150	Jeli
4	PPR Kota Bahru	1,000	Kota Bharu
JUMLAH KESELURUHAN		2,300	

Kementerian Kesejahteraan Bandar,
Perumahan dan Kerajaan Tempatan

Mei 2016

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

**DARIPADA : YANG BERHORMAT DR. MOHD HATTA BIN
MD. RAMLI [KUALA KRAI]**

SOALAN :

**YB Dr. Mohd Hatta bin Md. Ramli [Kuala Krai] minta PERDANA
MENTERI menyatakan sama ada Kerajaan akan menubuhkan satu
Suruhanjaya Siasatan DiRaja ke atas skandal 1MDB.**

SULIT

JAWAPAN: YB DATO' SRI AZALINA BINTI DATO' OTHMAN SAID
MENTERI DI JABATAN PERDANA MENTERI

Tuan Yang di-Pertua,

Untuk makluman Ahli Yang Berhormat, buat masa ini, Kerajaan tidak bercadang untuk menubuhkan Suruhanjaya Siasatan Diraja berhubung perkara ini.

Sekian. Terima kasih.